

**Aningaasanik peqquserluutinik malunnarunnaarsaasarneq pinerliiniarnernillu
aningaasalersuisarneq pinaveersimatinniarlugit iliuserisassat pillugit inatsisip
(aningaasanik malunnarunnaarsaanermut inatsit) Kalaallit Nunaanni
atulersinneqarneranik peqqussummik Namminersorlutik Oqartussat akuersinissaat
pillugu Inatsisartut aalajangiiffigisassaattut siunnersuut**
Aningaasaqarnermut Nunamullu Namminermut Naalakkersuisumit saqqummiunneqartoq

pillugu

Aningaasaqarnermut Akileraartarnermullu Ataatsimiititaliap

siunnersuutip aappassaaneerpeqarneranut

ISUMALIUTISSIISSUTAA

Ataatsimiititaliap suliarinninnermini ilaasortarai:

Inatsisartunut ilaasortaq Jens Napaattooq, Naleraq, siulittaasoq
Inatsisartunut ilaasortaq Erik Jensen, Siumut, siulittaasup tullia
Inatsisartunut ilaasortaq Hans Aronsen, Inuit Ataqtigiit
Inatsisartunut ilaasortaq Agathe Fontain, Inuit Ataqtigiit
Inatsisartunut ilaasortaq Aqqalu Jeremiassen, Atassut
Inatsisartunut ilaasortaq Vivian Motzfeldt, Siumut
Inatsisartunut ilaasortaq Jens-Frederik Nielsen, Demokraatit

UKA2021-mi ulloq 28. oktober siullermeerinninnerup kingorna ataatsimiititaliap siunnersuut misissorpaa.

1. Siunnersuutip imarisaa siunertaalu

Siunnersuutikkut siunertarineqarpoq aningaasanik peqquserluutinik malunnarunnaarsaasarneq pinerliiniarnernillu aningaasalersuisarneq pinaveersimatinniarlugit iliuserisassat pillugit Kalaallit Nunaanni inatsisip nutarternissaa. Inatsimmut allannguut, nunatsinni pissutsinut naleqqussagaq aammalu aningaasanik malunnarunnaarsaanermut aalajangersakkap tallimaata malitsigisaanik aningaasanik malunnarunnaarsaanermut inatsimmi allannguummik imaqartoq, siunnersuutikkut Naalakkersuisunit atuutilersinniarneqarpoq. Aalajangersakkamut tassunga aallaaviupput EU-mi maleruagassat aammalu pineqartoq pillugu nunarsuarmioqatigiit maleruagassiaannut naapertuulluni. Allannguutit pissutsinut arlalinnut aalajangiiffigisassatut siunnersuummut ilanngussaq 2-mi erseqqinnerusumik nassuiaatigineqartunut tunngapput. Allannguutit pingaarnertut tassaapput:

- 1) Valutanik niuerfinni virtuelleusuni eqqumiitsulianik tuniniaasartunut kiisalu suliaqartunut malittarisaliorneq
- 2) Aningaasat pappialat 500 euro-t inerteqqutaanissaat
- 3) Paasissutissanik aningaasarsiornermi pissutsinut assigiinngitsunut tunngasunut imaluunniit inatsisit naapertorlugit aaqqissuussinernut, suliffeqarfinnut inunnullu attaviit pillugit katersineq, suliarinninneq pissarsiarinnissinnaanerlu, aamma
- 4) Whistleblowerinik illersuineq.

2. Siunnersuutip Inatsisartunit siullermeerneqarnera

Siunnersuut siullermeerinninnermi tapersorsorluarneqartoq ataatsimiititaliamit maluginiarneqarpoq.

3. Tusarniaanermut akissutit

Aalajangiiffigisassatit siunnersuut matumani pineqartoq piffissami 2021-imi 14. januaarimiit 11. februaarimut tusarniutigineqarsimavoq. Allannngortitsinissamik tunngavissiinngitsumik siunnersuut ukununnga tusarniutigineqarsimasoq ataatsimiititaliamit paasineqarpoq:

- | | |
|---|-----------------------------|
| - Siulittaasup Naalackersuisoqarfia | - Sulisitsisut |
| - Taamani Inuussutissarsiornermut, Niuernermut, Nunanut Allanut | - BDO |
| - Silallu Pissusaa pillugu Naalackersuisoqarfik | - Deloitte |
| - Kommune Kujalleq | - BK Revision |
| - Qeqqata Kommunia | - EY Grønland |
| - Kommune Qeqertalik | - Grønlandske Advokater |
| - Avannaata Kommunia | - Grønlands Revisionskontor |
| - Kommuneqarfik Sermersooq | - GrønlandsBANKEN |
| - SIK | - BankNordik |
| | - SISA |

4. Ataatsimiititaliap siunnersuummik suliarinninnera

Aningaasanik peqquserluutinik malunnarunnaarsaasarneq pinerliiniarnernillu aningaasalersuisarneq pinaveersimatinniarlugit iliuserisassat pillugit inatsisip atuuttup nutarternissaa siunnersuutikkut matumuunakkut sukumiisumik qulakkeerneqarmat ataatsimiititaliamit oqaatigineqassaaq. Siunnersuummi nunatsinni pissutsinut naleqqussaanerit ataatsimiititaliamit iluarisimaarneqarput.

5. Siunnersuutip pisortanut aningaasaqarnikkut kingunerisassai

Peqqussummi allannguutit kingunerisaannik suliffeqarfiit inuilluunniit pineqartut ingerlatsinerminnik aaqqissuussaanermikkulluunniit allannguissappata siunnersuutip piviusunngortinneqarnerani aningaasatigut kingunerisassatut nalunaarneqartut allaffissornikkut

anigaasatigullu annikitsumik anigaasartuuteqarnermik nassataqarsinnaasut Naalakkersuisut paasissutissiissutigaa. Anigaasartuutit taakku annikitsuinnaasussatut tagginneqarput.

Siunnersuut innuttaasunut anigaasatigut kineqassanngilaq pisortalluunniit anigaasaqarnerannut malunnaatilimmik kinguneqassanani.


6. Ataatsimiititaliap inassuteqaatai

Siunnersuut akuerineqassasoq ataatsimiititaliap isumaqatigiittup inassutigaa


Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappasaaniigassanngortippaa.



Erik Jensen
Siulittaasup tullia



Jens Napaattooq
Siulittaasoq



Hans Aronsen



Vivian Motzfeldt



Agathe Fontain



Jens-Frederik Nielsen
P.v.a



Aqqalu Jeremiassen